

UHLAKANIPHA KANJANI PHAMBI KUKANKULUNKULU

**Khona-ke kuvelaphi ukuhlakanipha na?
iphi indawo yokuqonda na? Wathi kumuntu:
“Bheka, ukumesaba uJehova kungukuhlakanipha;
nokudeda ebubini kungukuqonda. JOBE 28:20, 28**



Ukumesaba uJehova kungukuqala kokuhlakanipha; bonke abenza imiyalo yakhe banengqondo enhle; udumo lwakhe lumi phakade. IHubo 111:10

Ngase ngibona ukuthi ukuhlakanipha kudlula ubuwula njengokukhanya kudlula ubumnyama.
UMSHUMAYELI 2:13

Ukuhlakanipha kuqinisa ohlakaniphileyo kunamaqhawe ayishumi asemzini. UMSHUMAYELI 7:19

Uma noma ubani kini entula ukuhlakanipha, makacele kuNkulunkulu, obapha bonke ngobuhle, engasoli; njalo uzakuphiwa. Kodwa makacele ekholweni engangabazi lutho. Ngokuba ongabazayo ufana negagasi lolwandle eliqhutshwa umoya linyakaziswa. Ngokuba lowo muntu makangacabangi ukuthi uyakwamukela utho eNkosini. Umuntu onhliziyombili kagxilile ezindleleni zakhe zonke.
UJAKOBE 1:5-8

Ngubani phakathi kwenu indoda ehlakaniphileyo futhi enolwazi? Makabonise ngenkambo enhle imisebenzi yakhe ngobumnene bokuhlakanipha. Kodwa ukuhlakanipha kwaphezulu okokuqala kuhlanzekile, bese kuba nokuthula, kumnene, futhi kulula ukulalela, kugcwele isihe nezithelo ezinhle, akunabandlululo, futhi akuzenzisi. UJAKOBE 3:13, 17

Ukumesaba uJehova kungukuqala kolwazi, kepha iziwula ziyadelela ukuhlakanipha nokulaywa. IZAGA 1:7

Ubusisiwe umuntu ofumana ukuhlakanipha, nomuntu ozuza ukuqonda. IZAGA 3:13

Ndodana yami, uma wamukela amazwi ami, ufihle imiyalo yami kuwe; ukuze ubeke indlebe yakho ekuhlakanipheni, ubeke inhliziyo yakho ekuqondeni; Yebo, uma ulukhalela ukwazi, uphakamisele ukuqonda izwi lakho; Uma ubufuna njengesiliva, ubufune njengengcebo efihliweyo; Khona uyakuqonda ukumesaba uJehova, uthole ukumazi uNkulunkulu. Ngokuba uJehova uyapha ukuhlakanipha; emlonyeni wakhe kuphuma ukwazi nokuqonda. Uyababekela abalungileyo ukuhlakanipha okuqondileyo, uyihawu kwabahamba ngobuqotho. Ugcina izindlela zokwahlulela, agcine indlela yabangcwele bakhe. Khona uyakuqonda ukulunga, nokwahlulela, nobuqotho; yebo, zonke izindlela ezinhle. IZAGA 2:1-9

Zuza ukuhlakanipha, zuza ukuqonda, ungakhohlwa; ungachezuki emazwini omlomo wami. Ungawushiya, wona uyakukulonda; mthande, wona uyakukulondoloza. Ukuhlakanipha kuyinto eyinhloko; ngakho zuza ukuhlakanipha, ngakho konke okuzuzayo zuza ukuqonda. Buphakamise, bona buyakukuphakamisa, buyakukukhazimulisa, lapho ubugone. Buyakunika ikhanda lakho umqhele womusa; buyakukunika umqhele wodumo. IZAGA 4:5-9

Ukumesaba uJehova kungukuqala kokuhlakanipha, nokwazi ongcwele kungukuqonda. IZAGA 9:10

Kunjengokudlala koyisiwula ukwenza okubi, kepha ukuhlakanipha kungumuntu oqondileyo. Umlomo wolungileyo uveza ukuhlakanipha, kepha ulimi olukhohlisayo luyakunqunywa. IZAGA 10:23, 31

Lapho kufika ukuzidla, kufika nehlazo, kepha kwabaphansi kukhona ukuhlakanipha. Ongenangqondo uyadelela umakhelwane wakhe, kepha umuntu onengqondo uyazithulela. IZAGA 11:2, 12

Umuntu uyakudunyiswa ngokokuhlakanipha kwakhe, kepha onenhliziyo embi uyadelelwa. IZAGA 12:8

Ngokuziqhenya kuvela ukuxabana kuphela, kepha kwabalulekwayo kukhona ukuhlakanipha. IZAGA 13:10

Ubuwula buyinjabulo koswela ukuhlakanipha, kepha umuntu oqondileyo uhamba ngobuqotho. Ukumesaba uJehova kungumyalo wokuhlakanipha; ngaphambi kodumo kukhona ukuthobeka. IZAGA 15:21, 33

Yeka ukuthi kungcono kangakanani ukuzuza ukuhlakanipha kunegolide! nokuzuza ukuqonda kungcono kukhethwe kunesiliva. IZAGA 16:16

Ozuza ukuhlakanipha uthanda umphefumulo wakhe; ogcina ukuqonda uyakufumana okuhle. IZAGA 19:8

Thenga iqiniso, ungathengisi ngalo; nokuhlakanipha, nokulaywa, nokuqonda. IZAGA 23:23

Othanda ukuhlakanipha uthokozisa uyise, kepha ojwayelana nezifebe uchitha impahla yakhe. IZAGA 29:3

Uswazi nokusola kuyanika ukuhlakanipha, kepha umntwana oyekwayo uhlazisa unina. IZAGA 29:15